

ACTIVIDADES DA ASOCIACIÓN

E. J. Montenegro Rúa - M^a T. Piñeiro Astariz

Museo arqueológico do Castro de Viladonga - Microsoft Internet Explorer

Archivo Edición Ver Ir a Favoritos Ayuda

Atrás Adelante Detener Actualizar Inicio Búsqueda Favoritos Historial Canales Pantalla completa Correo Imprimir Edición

Dirección http://personal.redestb.es/mviladonga/ Vínculos

MUSEO ARQUEOLÓXICO DO CASTRO DE VILADONGA

Asociación de Amigos 1394

Os Amigos
O Museo
O Xacemento
e-CASTREXO
Créditos
@

Zona de Internet

Inicio Outlook Express Museo arqueológico do ... Corel PHOTO-PAIN... 23:07

Como xa adiantabamos no anterior número de CROA, este ano aumentaron os obxectos postos á venda na chamada "tenda" do Museo (na área de Receppción deste): con fins de promoción e difusión cultural e nunca con afán comercial nin de lucro ningún, fixéronse lápices co logotipo da Asociación, unha nova serie actualizada de diapositivas, e un novo modelo de cha-veiros, deseñado agora como unha reproducción (a pequena escala) do pasarellas de época tardorromana

encontrado no Castro. Éste último foi realmente un acerto, e tivo tan boa acollida entre os nosos asociados e tamén entre os visitantes de Viladonga que moi logo teremos que facer unha nova tirada para atender á demanda existente.

Tamén parece pertinente facer mención do que podíamos chamar "desactividades", coa frustrada viaxe cultural que se programara para visita la exposición "Los Iberos, príncipes de

Occidente", en Barcelona; soamente un pequeno número de asociados a foron visitar a título individual.

Con todo, no apartado de viaxes, hai que sinala-la realización de dúas excursións no ano 1998: o 26 de abril estivemos na comarca do Trasdeza, no centro de Galicia, visitando o Mosteiro de Carboeiro, a impresionante paraxe natural e fervenza do río Toxa e, despois dunha boa comida en Bandeira (con salutacións e invitación a cava por

parte do Concello de Silleda), achegámonos deica o lustroso e extenso Pazo de Oca, vímo-la Torre de Cira sobre o río Ulla e paramos na antiga Igrexa mosteiral de San Salvador de Camanzo, onde coincidimos cun concerto de bandas de música xuvenís da comarca. Nesta ocasión, a viaxe fixose conxuntamente coa xente do Clube Cultural «Valle-Inclán» de Lugo, asociación coa que xa temos colaborado noutras viaxes e actividades.

Xa no último trimestre do ano, os días 17 e 18 de outubro, realizamos unha viaxe cultural polo Baixo Miño. Pernoctamos en Tui tras visita-la Ca-

tedral, o seu Museo, Torre e Claustro, así coma o propio conxunto histórico de Tui, de gran encanto e interese. Ó día seguinte estivemos na antiga igrexa do Mosteiro cisterciense de Oia, antes de visitar demoradamente o conxunto arqueolóxico do Castro de Santa Trega e o seu, todavía, "desaproveitado" Museo. Fixémo-lo xantar en Valença do Minho, onde predo-minou, loxicamente, a elección do "bacalhau", visitando a continuación a interesantísima fortaleza e o conxunto histórico que abrange, ademais, como non, de realiza-las obrigadas (para algúns e algunas) compras coas que retornamos a Lugo na noiteña do domingo.

Con motivo da celebración do Día Internacional dos Museos (o 18 de maio, aínda que houbo que facer por disponibilidade de espacio en Lugo, un lixeiro traslado de data), o 25 de maio tivo lugar unha Conferencia-Coloquio sobre "Os últimos traballos arqueolóxicos no Castro de Viladonga: campaña de 1996", a cargo dos seus escavadores Luis F. López e Yolanda Álvarez, e coa presentación e participación do Director do Museo, Felipe Arias. Con este acto, intentouse, e cremos que se logrou, realizar unha tarefa divulgativa nun tema pouco tratado entre o gran público como é o método e os resultados dunha escavación arqueolólica e o

e-CASTREXO (en galego) - Microsoft Internet Explorer

Archivo Edición Ver Ir a Favoritos Ayuda

Atrás Adelante Detener Actualizar Inicio Búsqueda Favoritos Historial Canales Pantalla completa Correo Imprimir Edición

Dirección <http://www.redestb.es/castroviladonga/e-castrexo/ga/> Vínculos

e-CASTREXO

Publicación electrónica da
Asociación de Amigos do Museo do Castro de Viladonga
sobre
a Cultura castrexa e a Cultura galaico-romana

PREFACIO

ARTIGOS

Español English

Lista Zona de Internet

Inicio Outlook Express e-CASTREXO (en g... Corel PHOTO-PAINT 7... 23:08

seu reflexo nas salas de exposición museísticas.

O Museo e a Asociación colaboraron, na medida das súas posibilidades, na promoción e difusión dunha Ruta de Sendeirismo entre o Castro de Viladonga e a vila de Castro de Rei. Esta Ruta, de gran beleza e con moitos atractivos, discorre polo Monte Cordal e baixa logo ás beiras do río Azúmara, que lle dá o nome, e foi preparada e coidada pola Asociación de Amigos da Feira de Castro de Rei que, con esta e con outras actividades, quere promover e revitalizar esta vila e a súa comarca, dados os seus numerosos e variados recursos naturais, patrimoniais de todo tipo e, tamén, turísticos. Con razón, a devandita Asociación recibiu o Premio anual como "Brigadista da Caldaloba", que outorgan as Brigadas do Patrimonio Chairego.

Sen embargo, quizais se poida reseñar como actividade más significativa deste ano 1998 (ou polo menos como unha das que requiriu máis traballo e esforzos), a incorporación da nosa Asociación, e por ende o Museo e o Castro de Viladonga, na rede de INTERNET. A páxina (en realidade, as páxinas) saiu ó mundo enteiro a fins do mes de marzo e en idioma galego e español. A resposta dos "internautas" podería considerarse como aceptable (tirando a boa), cunha media nos últimos meses de entre 10 a 15 visitas diárias. Polo servizo de estatísticas contratado, cónstanno-las visitas de

bastantes Universidades, tanto galegas como españolas e extranjeiras, e tamén de diversos organismos oficiais. Accederon e acceden ás páxinas do Castro de Viladonga xentes de moitos países americanos (EE.UU. e Latinoamérica), europeos e mesmo algúns "exóticos" para nós, como Suráfrica, Xapón ou Corea do Sur. O enderezo da páxina é o seguinte:

<http://personal.redestb.es/mviladonga>.

Actualmente, pódese afirmar que a Asociación, tras un breve espacio de tempo, está plenamente adaptada e aceptada na Rede INTERNET (confirmando a velocidade vertiginosa coa que transcorren os acontecimentos no mundo das novas tecnoloxías), e proba desto é a reciente actualización e mellora das súas páxinas nunha "segunda edición", realizada a mediados do mes de outubro; nela incorpórarse o idioma inglés (o máis corrente na rede como é ben sabido), redeséñase o seu contido e inclúese unha páxina dedicada á Ruta de Sendeirismo do río Azúmara.

Cómpre destacar tamén a forte aposta que fixemos na tarefa de divulgación e difusión do Patrimonio Cultural galego, incorporando unha publicación electrónica sobre a Cultura Castrexia e Galaico-romana (referida ós castros) trátase da revista "e-CASTREXO" na que, inicialmente, incluímos, nun novo formato dixital, os artigos publicados en CROA que versan sobre aquela temática. Aproveita-

mos así os recursos que nos ofrecen as novas tecnoloxías para ensaiar unha nova forma de comunicación que permita una mellor asimilación de datos e informacíons de carácter científico e cultural, utilizando rápidas e claras referencias ós materiais mencionados nos artículos, e incluso ampliando as ilustracións que orixinariamente aparecían na edición impresa. Tarefa, esta última, que a edición electrónica nos permite realizar a posteriori (segundo novos artigos inclúan novos materiales susceptibles de ser referenciados ou paralelizados cos anteriores), co cal irán enriquecendo pasenialmente a información, ó tempo que permite reducir así o grao de erudición necesario para unha mellor asimilación da mesma. A nova revista "e-CASTREXO", que ven complementar este Boletín CROA, pódese consultar directamente desde as páxinas Web do Museo ou ben mediante o seguinte enderezo propio:

<http://www.redestb.es/castroviladonga/e-castrexo>.

Con todas estas actividades queremos corresponder á confianza de todos los socios (dos que tamén esperamos a súa colaboración nesta e noutras actividades), a do propio Museo (co que mantemos unha moi boa e estreita colaboración), así como das entidades que nos veñen axudando económicoamente (en especial a Fundación "Pedro Barrié de la Maza" e o Concello de Castro de Rei).

